

ত্রিপুরা হাফাঙ
ককথুম তেই হুকুমু দাগিখুঙ

স-৬৫২

আগরতলা, ১৩ মে, ২০২৫

বুদ্ধ পূর্ণিমা তের' মন্ত্ৰি অকরা

মীতাই গৌতম বুদ্ধনি নাসলেমুঙ কীরীই, হামজাকমুঙ, খায়রকমুঙ তেই তঙকীচাঙনি ককন'
সঙগীইন' হাসতে হাফাঙ লুকু হামক্রায়' সামুঙ তাঙগীই তঙগ'

মীতাই গৌতম বুদ্ধ হাফাঙ গীনাঙগীই নাসলেমুঙ কীরীই, হামজাকমুঙ, খায়রকমুঙ
তেই তঙকীচাঙ তঙমুঙন' পিরীই রীখা। মীতাই বুদ্ধনি অ ককন' সঙগীই হাসতে হাফাঙ
লুকুরকনি হামক্রায়' সামুঙ তাঙগীই তঙগ'। থাঙনায় ১২ মেঅ বেনুবন বুদ্ধ বিহারঅ বৈশাখী
বুদ্ধ পূর্ণিমা তেরন' চেঙগীই রীই মন্ত্ৰি অকরা প্রফেসর (ডা.) মানিক সাহা অ কক সাখা।
মন্ত্ৰি অকরা সাখা, বুদ্ধ পূর্ণিমা তের তাবুক বুদ্ধ তঙথারনি বিসিংগ' সিমি খাজাক তঙলিয়া,
হাফাঙনি জত' তঙকীচাঙ হামজাকনায় লুকুরকনি থানিব' অ তের বেলায়খে নাঙকুকমানি।
বৈশাখ তালনি পূর্ণিমা তিথিঅ মীতাই বুদ্ধ আচায়া, বুদ্ধ তঙথারন' আজিখা তেই অ সালন'
কীথার সাল হীনায় পালায়জাকখা।

মন্ত্ৰি অকরা সাখা, মীতাই বুদ্ধনি ককন' চাঙ জতন' চিনি লাঙমাত ফীনাঙনা
নাঙনায়। বায়থাঙনি তঙমুঙ-চামুঙন' তঙকীচাঙ নারীকনা নাঙনায়। বনি বিসিংতীইন' মীতাই
বুদ্ধনি ফুনুকজাক লামাত কাহাম খীলায় হিমীয় মাননায়। ব' সাখা, ভারত হাকতর জত'
জরাঅন' তঙকীচাঙ তেই নাসলেমুঙ কীরীইনি লামাত পুইতু চাউই হিম'। ফিয়া হাকতরনি
সাকাত মুঙসাসীক দালনি পাতিমুঙ আঙথে আবন' কীরাক খীলায় কাসুনানি চায়তকজাকনায়।
ব' সাখা, হাসতেনি তাবুকনি হাফাঙ তঙথারনি বেরায়খিরি থায়রকনি হামক্রায় খীলায়নানি
নায়মুঙগ' জুদা জুদা ডানসুকতাঙ রমীই সামুঙ তাঙগীই তঙগ'। অ তঙথার বেরায়খিরি থায়রক
হাসতেনি বেরায়খিরি আমচায়নি হামক্রায়অব' যাসি কায়জাকনায় সামুঙ তাঙনায়। পানদানি
চেঙমুঙগ' মন্ত্ৰি অকরা মীতাই বুদ্ধন' দিয়াইখা। বৈশাখী বুদ্ধ পূর্ণিমান' রীগীই ড্রয়িং কম্পিটিশন
সঙচাজাকখা। কম্পিটিশনঅ কীপলায় আঙনায়রকন' সকাত রীখা মন্ত্ৰি অকরা।

পানদাত বন' কারীইব' মানজাক ফায়খা আগরতলা পুর নিগমনি মেয়র দীপক
মজুমদার, সালথাঙ ত্রিপুরানি ডিএম ডা. বিশাল কুমার, বিবেকনগরনি রামকৃষ্ণ মিশননি
সেক্রেটারি স্বামী শুভকরানন্দ মহারাজজী, মহাবুদ্ধি অল ত্রিপুরা ব্রাঞ্চনি ডিরেক্টর বরমগীনাঙ
ধাম্মালোকা, ধম্মদীপা ইন্টারন্যাশনাল বুদ্ধিস্ট ইউনিভার্সিটিনি আচার্য বরমগীনাঙ ড.
ধাম্মাপিয়া, বেনুবন বুদ্ধ বিহারনি চিফ অ্যাডবট বরমগীনাঙ খ্যামাছড়া আকসঙ।
